

王 子 安 集

四

王子安集卷之十三

唐龍門王 勃子安著

明閩漳張 燮紹和纂

碑

益州夫子廟碑

述夫帝車南指。遯七曜於中階。華蓋西臨。藏五雲於太甲。雖復星辰蕩越。三元之軌躅可尋。雷雨沸騰。六氣之經綸有序。然則撫銅渾而觀變。化則萬象之動。不足多也。握瑤鏡而臨事業。則

萬機之湊不足大也故知功有所服龜龍不能
謝鱗介之尊器有所歸江漢不能竊朝宗之柄
是以朱陽登而九有照紫泉清而萬物覩粵若
皇靈草昧風驪受河洛之圖帝象權輿雲鳳錫
乾坤之瑞高辛堯舜氏沒大夏殷周氏作達其
變遂成天下之文極其數遂定天下之象衣冠
度律隨鼎器而重光玉帛謳歌反宗禋而大備
洎乎三川失御九服蒙塵俎豆喪而王澤竭鐘
鼓衰而頌聲寢邵陵高會諸侯輕漢水之威踐

土同盟。天子窘河陽之召。三微制度乘戰道而橫流。千載英華與王風而掃地。大業不可以終喪。彝倫不可以遂絕。繇是山河朕兆素王開受命之符。天地氤氳玄聖舉乘時之策。興九圍之廢典。振六合之頽綱。有道存焉。斯文備矣。夫子姓孔氏。諱丘。字仲尼。魯國鄒人也。帝天乙之靈。苗宋微子之洪緒。自玄禽翦夏。浮寶玉於南巢。白馬朝周。載旌旗於北面。五遷神器。琮璜高列。帝之榮。三命雄圖。鐘鼎冠承家之禮。商丘誕睿。

下屬於防山。泗水載靈遙馳於汝上。禮樂繇其委輸。人儀所以來蘇。排禍亂而構乾元。掃荒屯而樹真宰。聖人之大業也。若乃承百王之不運。摠千聖之殊姿。人靈昭有作之期。嶽瀆降非常之表。珠衡玉斗。徵象緯於天經。贊據龍蹲。集風雲於地紀。亦猶三階瞰月。恒星知太紫之宮。八柱衝霄。羣嶺辨中黃之宅。聖人之至象也。若乃順時而動。用晦而明。紓聖哲於常師。混波流於下問。太陽亭午。收燭火於丹衡。滄浪浮天。控涓

渟於翠渚。西周捧袂。仙公畱紫氣之書。東海樞
衣鄰子。敘青雲之袂。接輿非聖。詢去就於狂歌。
童子何知。屈炎涼於詭問。聖人之降跡也。若乃
參神揆訓。錄道和倪。辱太白於中都。紲乘黃於
下邑。湛無爲之跡。而衆務同并。馳不言之化。而
羣方取則。雖復霓旌羽旆。齊人張夾谷之威。八
佾三雍。桓氏逼公宮之制。洎乎歷階而進。宣武
備而斬俳優。推義而行。肅刑書而誅正卯。用能
使四方知罪。爭歸舊好之田。三家變色。願執陪

臣之禮聖人之成務也。若乃乘機動用。歷聘栖
遑。神經幽顯。志大宇宙。東西南北。推心於暴亂
之朝。恭儉溫良。授手於危亡之國。道之將行也。
命道之將廢也。命歸齊去魯。發浩歎於襄周。厄
宋圍陳。奏悲歌於下蔡。聖人之救時也。若乃筐
篚六藝。笙簧五典。拆旋洙泗之間。接躋唐虞之
際。三千弟子。攀睿化而升堂。七十門人。奉洪規
而入室。從周定禮。憲章知損益之源。反魯裁詩。
雅頌得絃歌之首。備物而存道。下學而上達。援

神敘敎。降赤製於南宮。運斗陳經。動玄符於北。
洛聖人之立敎也。若乃觀象設教法三百八十
四爻四十有九窮。神知化應萬一千五百五十
有五。成變化而行鬼神。觀陰陽而倚天地。以鼓
天下之動。以定天下之疑。索衆妙於重玄。纂羣
微於太素。聖人之贊易也。若乃靈襟不測。睿視
無涯。石砮昭集隼之庭。土缶驗蕡羊之井。嵇山
南望。識皓骨於封禺。蠡澤東浮。考丹萍於夢渚。
麟圖鑑遠。金編題佐。漢之符鳳德鈞深玉策筮筮

亾秦之兆聖人之觀化也時義遠矣能事畢矣然後拂衣方外脫屣人間奠楹興夕夢之災負杖起晨歌之跡撓虹梁於大廈物莫能宗摧日觀於魯丘吾將安仰明均兩曜不能遷代謝之期序合四時不能革盈虛之數適來夫子時也適去夫子順也爲而不有用九五而長驅成而勿屈撫雲霓而高視聖人之應化也自四教遠而微言絕十哲喪而大義乖九師爭大易之門五傳列春秋之輻六體分於楚晉四始派於齊

韓淹中之妙鍵不追稷下之高風代起百家騰躍攀戶牖而同歸萬匹驅馳仰陶鈞而共貫猶使絲簧金石長懸闕里之堂荆棘蓬蒿不入昌平之墓聖人之遺風也。遵揚十聖光被六虛乘素履而保安貞垂黃裳而獲元吉故能貴而無位履端於太極之初高而無名布政於皇王之首千秋所不能易百代所不能移萬乘資以興衰四海繇其輕重雖復質文交映瞻禴祀而長存金火遞遷奉琴書而罔絕蓋易曰觀乎人文

以化成天下。又云聖人以神道設教而萬物服焉。豈古之聰明睿智神武而不殺者。夫國家襲宇宙之淳精。據明靈之寶位。高祖武皇帝以黃旗問罪。杖金策以勞華夷。太宗文皇帝以朱翟承天。穆玉衡而正區宇。皇上宣祖宗之累洽。奉文武之重光。稽曆數而坐明堂。陳禮容而謁太廟。八神齊饗。佇旒太史之宮。六辨同和。駐蹕華胥之野。文物隱地。殷名動天。樂繁九俗。禮盛三古。冠帶混弁之所。書軌八紘。閭閻兼匝之鄉。煙

火四極竭河追日夸父力盡於楹間越海陵山
堅杖塗窮於廡下薰腴廣被景貺潛周乾象著
而常文清坤靈滋而衆寶用溢金膏於紫洞雨
露均華栖玉燭於玄都風雷順軌丹蓂翠茵藻
繪軒庭鳳彩龍姿激揚池御殊徵肸蠁不召而
自至茂祉昭彰無幽而不洽雖復帝臣南面降
衢室而無爲岱畎東臨陟名山而有事靈命不
可以辭也大典不可以推也繇是六戎宵警橫
紫殿而縱金五挾晨驅蹴玄雲而噴玉星羅海

運嶽鎮川淳。登碧壇而會神祇。御玄壇而禮天地。金箱玉冊。益睿算於無疆。玳檢銀繩。署靈機於不竭。功既成矣。道旣貞矣。歷先王之舊國。懷列聖之遺塵。翔赤驥而下雲亭。吟翠虬而望鄒魯。泗濱休駕。杏疑汾水之陽。尼岫凝鑾。暫似峒山之典。乃下詔曰。可追贈太師。託鹽梅於異代。鼎路生光。寄舟楫於同時。泉塗改照。咸亨元年。又下詔曰。宣尼有縱自天體膺上哲。合兩儀之簡易。爲億載之師表。顧唯寢廟義在欽崇。如聞

諸州縣孔子廟堂及學館有破壞并向來未造
生徒無肄業之所先師闕奠祭之儀久致飄零
淡非敬本宜令諸州縣官司速加營葺九隴縣
學廟堂者大唐龍朔三年鄉人之所建也爾其
州分化鳥境徇罇鷗縈錦室於中區託銅梁於
古地玉輪斜界神龍蟠沮澤之雲石鏡遙臨寶
牒秘禹山之影天帝會昌之國上照乾維英靈
秀出之鄉傍清地絡庠序繇其糾合纓弁所以
會同文翁之景化不渝智士之風猷自遠於是

雙川舊老。攀帝獎而翹心。三蜀名儒。想成均而
變色。揆周規於舊宅。詢漢制於成都。開基於四
會之蹕。授矩於三農之隙。土階無級。就擊壤於
新歡。茅茨不剪。易層巢於故事。莊壇文杏。卽架
椽欒。夾谷幽蘭。爰疏戶牖。儀形莞爾。似聞沂水
之歌。列侍闇如。若奉農山之對。緇帷曉闢。橫紐
帶於西河。絳帳宵懸。聚青衿於北海。雖秋禮冬
詩之化。以洽於齊人。而宣風觀俗之規。實歸於
上宰。銀青光祿大夫譙國公諱崇義大武皇帝

之支孫河間大王之長子高秋九月振玉贊於
唐丘寶算千齡躍璇蚪於大渚我國家靈命東
朝抗裘冕之尊宗子維城南面襲軒裳之重折
玄元之胤緒擁朱虛之祿位拜玉節於秦京輝
金璋於蜀郡玄機應物潛銷水怪之災丹筆申
冤俯絕山精之訟魏文侯之擁篲道在而兼尊
董相國之垂帷風行而俗易司馬宇文公諱純
河南洛陽人也皇根帝緒列五鼎於三朝青鎖
丹梯跨千尋於十紀仲舉澄清之轡未極夷塗

士元卿相之材。先登上佐。冰壺精鑒。遙清玉壘。
之郊。霜鏡懸明。下映金城之域。縣令桺公。諱明。
字太易。河東人也。梁岳之英。長河之靈。沐雲漢
之精粹。荷天衢之元亨。旌旗赫奕於中古。珪組
陸離於下葉。鳳巖抽律。擢層秀於龍門。驪穴騰
姿。吐榮光於貝闕。自朱絲就列。光膺令宰之榮。
墨綬馳芬。高踐郎官之右。仙鳧旦舉。影入銅章。
乳翟朝飛。殼含玉軫。臨邛客位。自高文雅之庭。
彭澤賓門。猶主壺觴之境。曠懷足以御物。長策